

Անտի ապա, ասպետը Լեհաց պար առեալ  
Ըզբէ, երէցք 'ի Դըլուժքա ներբողեալ՝  
Փառօք մեծաւ ածին ըզկոյսդ յայս քաղաք.  
Ուր և իսկոյն եղեն յայտնի Քոյին հրաչք.

Առատ անձրև՝ երաշտացեալն 'ի յերկիր  
Յօղեալ՝ արար բազմապըտուող կենսակիր:  
Ծանեաւ երէցն ըսքանչելիսըդ յայտնի.

Որ կայր յերկար, լոյծ անդամօք 'ի մահճի:

Պատգամ 'ի Քէն եղև նըմա 'ի տեսեան  
Դիմել առ Քեզ յեկեղեցւոյս հայկական,  
Ուր և թողեալ զմահիճ, ոտիւք զընայուն  
Վազվազելով ըզկոյսդ օրհնեալ դարձ 'ի տուն:

Բազումեն կաղք, կոյրք, գօսացեալք, հաշմանդամք,  
Որոց զըտեալ ըզլոյս երկնից և զզընացք,  
Թողեալ աստէն ցուպ գաւազան ընդ անթով  
Վերադարձան՝ օրհնեալ ըզՔո մեծագով:

Սըրածութեան ժամուն՝ տեսին լուսաւոր  
Ըզքոյ տաճար շուրջ բընակիչք մերձաւոր.

Գիտեմք բիւրիցըս մեք զըտակ հաւաստեաւ  
Ձըսքանչելիսդ ակն յանդիման աստ անբաւ:

Դու մըխիթար՝ որոց 'ի վիշտ տագնապին,  
Ապաւէն դու մեղաւորաց զըրոհին.

Դու գանձ անգին մեր կամենից քաղաքի,

Հըզօր պաշտպան Փոտոլիացւոց գաւառի:

Կաս 'ի տախտակ, անաղարտ գոյն Քոց դիմաց,

Երկնաւորի, այ՛ո, մատանց ես կերտուած:

Լեր մեզ պաշտպան, դու մայր ամբիճ, կոյս զըթած.

Արա՛ ընդ մեզ ըստ սրբագոյն Քոց կամաց:

Յաւերժաբար երկըրպագուք եմք Քոյին,

Անտես արա՛լըզպարտիս մեր, թողութիւն

Մեղաց մերոց հայցեա՛ - խընդրեմք, Տիրամայր,

Եւ յետ մահուան լեր մեր հոգւոց կենարար: